

# خبر الکلام

صاحب امتیاز و مدیر مسئولی  
حسین شمی

سرمدری :  
احمد شیرانی

۲۳ صفر

۹ کانون ثانی

ماقل و دل

[ پنجشنبه کونلری ]

قل الحیر والافاسکت

[ نشر اولنور ]

## نصائح قرآنیہ

(وَلَقَدْ كَرَّمْنَا بَنِي آدَمَ وَحَمَلْنَاهُمْ فِي الْوَجْرِ  
وَالْبَحْرِ وَرَزَقْنَاهُمْ مِنَ الطَّيِّبَاتِ وَفَضَّلْنَاهُمْ عَلَى  
كَثِيرٍ مِمَّنْ خَلَقْنَا تَفْضِيلًا .)

ترجمہ

[ بزنی آدمی مکرم و معزز قیلدق؛ قرده  
ده کزده - سیر و سفر ایقلری ایچون مختلف  
وسائط نقلیه - تحمیل ایتدک؛ طیب، لذیذ  
شیلردن مرزوق ایدوب مخلوق آقزدن برچوخی  
اوزینه تفضیل و ترجیح ایلدک . ]

مطالعه

بو آیت جلیلدن آکلاشلورکه انسان  
دینلن مخلوق لطیف؛ پاک بیوک براعتلای شانی  
حائز بولمدهدر، انسان بر بدیعه قدرت، بر  
نمونه لطافت، برلطیفه صمدیتدر. انسان بتون  
محاسن فطریه دن متشکل بر مجموعه علویتدر .  
[ انا خلقنا الانسان فی احسن تقویم . ]

مفسرین کرام؛ انسانلرک، سبب تکریمی  
اولان خصائل ممتازه دن بعضیلرینی تعداد ایدرک  
دیورلرکه : انسان؛ حسن صورت، لطافت  
اندام، اعتدال مزاجه مالکدر؛ سرار خلقتی  
تعقل ایدر؛ افکار آمالانی وسائط متوعه ایلہ  
افهامه موفق اولور؛ امور معاد و معاشنه عائد

اسبابی تحری ایلر؛ ارضک کونا کون خزان  
عظیمه سندن استفاده یوللرینی بیلیر؛ سعادت  
حیاتیه-نی تأمین ایچون وسائل عادیہ وعالیه نک  
حسن ترتیب و تنظیمنه، مقتدر بولنور .

اوت انسانلر صورت برزاهت فوق العاده یه  
مظهردر . سیره بر طاقم خصائص علویه نک  
تلاقیکه ظهوریدر . انسانلر عقل دینلن بر  
جوهر لطیفه مالکدرلرکه بوسایده معالی اموری  
ادراک ایچون برقابیت فطریه نی حائز بولنورلر .  
انسانلر احتیاجات روحیه لرینی تطمین ایچون  
نزیه برتریه فکریه و اخلاقیه ایلہ ترین ایدرلر؛  
احتیاجات مادیه لرینی استیفا ایچون هر درلور وسائط  
مشروعیه مراجعت ایدرک هم کندی مسعو .  
دینلرینی تأمین ایلر، همده منسوب اولدققری  
جمعیتک شانی اعلایه خدمتمده بولنش اولورلر .  
خالق کریم حضر تلری [ وحمدلهم ... ]

نظم شریفیله انسانلره احسان ایتدیکی الطاف  
الهمیه سنی تعداد دیوریور [ لاتحرموا طیبیات  
ما احل الله لکم ] آیت کریمه سیله نفع سبحانیہ  
سندن مستفید اولمقلغمزی امر ایدیور؛ بناء  
علیه بزم ایچون بو کبی عواطف بی نه سایه دن  
استفاده چالیشهرق احتیاجات مختلفه بشریه مزری  
استیفایه غیرت ایلک لازم دکلدیرد... بز بوقدر

[ تسعة اعشار الرزق في التجارة و واحدة في المواشي . ] حديث شريفی اونو تماملیدر :

کون کبی هر بر زمان نور تجارت بارلادر  
شانی بر صورتده استقبال ملک وملتی

عصر مزد ايسه ملتلرک معاملات تجاریه سی  
فوق العاده بر توسعه مظهر اولمشدر . بوگون

ترقیات عصریه دن ، احتیاجات مدنیه دن غافل  
بولنان ملتلر مبارزه حیاتیه ده بولنه میهرق کندی

موقعلری رقیبلرینه ترکه مجبور اولمقده درلر .  
بولدن براق عصر اول ملتلر بیننده کی مناسبات

سیاسیه واقتصادیه محدود بر دائرهیه منحصر  
ایدی ، هر مات کندی محیطنده یاشار ، کندی

مخصوصاً لایله کندی معمولات داخلیه سیله اداره  
ایدردی . بالطبع بویه بر عصرده یاشایان اقوام

ایچونده قوه اقتصادیه نک ترایدینه پک او قدر  
لزوم کورلیه بیلیردی . شمیدیسسه بتون ملتلر

بر برینه قارشو برر رابطه سیاسیه واقتصادیه ایله  
مربوط بولمقده درلر . بوگون هیچ بر ملت

کندی باشنه بارینه ماز ؛ هیچ بردوات ایجابات  
عصریهیه توفیق حرکتده بولمادقه ادامه حیاته

موفق اوله ماز .  
زده غریب بر حالت روحیه واردر ؛ بز

ایجابات زمانیهی هیچ نظر دفته آلمایز ؛ بز  
سعادت حیاتیه مزی تأمین ایچون عهده مزه

دوشن وظیفه لری اهل ایدر ؛ دیات اسلامیه نک  
آمر بولندیفی اسباب معیشته تشبث ایتر ؛

معناسنی یا کاش تلقی ایتدی کمز بر توکل مایوسانه دن  
کندیمزی قورناره مایز . روح البیان صاحبی

دیورکه : « توکل ؛ حرکتدن ، سعی وغیرتدن  
صکره اولور . ته کیما کنجیلر تخمی طوپراغه

صاحار ، صوکره توکلده بولنورلر ؛  
اسلاف کرام دیرلردی که ؛ تجارت ایدیکز ؛

متنوع وسائط نقلیه دن مستفید اولماز ؛ تجارت  
داخلیه وخارجیه مزک انکشافنه بذل مقدرده  
بولماز ؛ هر درلو محرومیتک ، هر درلو سقات  
وعطائاتک نخه قهرنده ازیر ايسه مک مواهب  
سبحانیهیه قارشو کفران نعمته ده بولمش  
اولمازمی یز ؟ .

بوگون مقدسات دنییه مزی محافظه ایتمک ؛  
معالی وطنیه وملیه مزی حمایه ایتمک ؛ دشمنلر مزک  
عتبه عنایتنه جبین سای استعفاف اولماق ایستر  
ايسه مک متدباً سعی وغیرته بولنه رق قدرت  
ملیه مزک ترایدنی تأمیننه چالیشماز لازم کلیر  
ته کیما رسالت مآب افندیغز : [ سیاتی علی امتی  
زمان یحتاج الرجل فیه للدرهم والدینار لایقیم به  
امر دینه ودینه . ] بیورمشدر .

بوگون برملتک سعادت ؛ اظهارات آتیه سی  
افرادینک ثروتیه ؛ منافع اقتصادیه لری درجه  
ادراکیه متناسبدر . بوگون برملت که استقلال  
اقتصادیهی تأمیننه چالیشماز ، برملت که مبارزه  
حیاتیه ده بولمق اصولنی بیلمز او ملت ایچون  
یاشماق ؛ بارلاق بر استقباله نائل اولمق فصل  
تصور اولنه بیلیر ؟

برملکده که سرمایه نک قیمتی تقدیر اولنه رق  
حسن استعمائنه اعتنا اولماز ؛ برملکده که  
جسم جسم شرکترلر ؛ دارالصناعه لر وجوده  
کلز او ملکتده حیات اقتصادیه نک علوی تجلیاته  
مظهرتی فصل امید ایدیه بیلیر ؟ .

انسانلر ادوار ابتداییه دن بری معاملات  
تجاریه ده بولمش ؛ محصولات ارضیه نک ، معمولات  
صناعیه نک مبادلاتیه اشتغال ایدرک اکتساب  
ثروت و سامانه چالیشملردر . مثلاً قرون اولاده  
مصریلر ، کلدانیلر ، فنیکیلر تجارت سایه سنده  
پک شععه دار بر دوره ترقی کچیرمشلردر .

مال قازانمغه چايشكنز ؛ زيرا برزمانده سکنز که سزندن بریکز محتاج اولدیمی ایلک اولیسه چکی شی کندی دینی اولور ؛ حتی چوق کره بعض کیمسه لری چنازه احتفالاتی آرمسند کوردکارنده هایدی !. سن دکانکه کیت، تجارتکه اوغراش. دیه طریق اکسبابه تشویقده بولنورلدی .

جناب مولانانک :

« تانکرید طفل کی جوشد این تانکرید ابر کی خندد چن کفته پیغامبرکه چون کونی دری عاقبت زان در برون آید سری کر توکل میکنی درکار کن کشت کن پس تکیه برجبار کن

بیتلری نه قدر حکمت آمیزدر !. موجودات خارجیه نیک بر سبب ظاهریه مستند اولدیغنی اخطار ایخون بیورسورکه : [چو جوق آغلا- مادجه سوت قاینه ماز ؛ باو طار کوز یاشلرینی دوکدکجه چنلر تسم نثار طراوت اولماز. بی کریم بیورمشدرکه : برقبونی چالقمده دوام ایدر ایسه که نهایت قبو آچیلیر، نائل امل اولورسین. توکل ایدیورمیسین؟.. اسبابه توسلدن سوکره ایت ؛ تخمی صاج ، بعده فیاض حکیمه اعتماده بولون . [ایشته توکل بویله اولور . فانتهاوا ایها المسلمون !..

فاتح درسه ملرندن ارضروملی :

عمر نصوحی

یار آغلا سین ، اغیارده کولسون !

قطبونی علماسندن صوفی زاده محمد توفیق افندی به :

فاضل متحسین افندم !

سکنز نومرونی نسخه مزله انتشار ایدن مکتوب بکزده «خیر الکلام» که عرفحال حزینندن

مه تر اوله رق اغلا دیغکنزی یازیورسکنز ، حقیقه غزنه مز اغلا دیغی برسر گذشت صاحبدر . شوراده تاریخچه منی مختصر آ یازامده یالکنز ذات فاضلانله لری دکل ، هر بار اغلا سین ، اغیارده کولسون !

بیایورسکنز که : طقوز آی مقدم علمیه مزک حیات معنویه منی ، برطاق سر آزادله رک سوء قصد لری نه معروض قالمشدی ، قلمارندن دوشن مرکب قطره لری حیثیت علمیه من اوزرنده طوب ، کوله تخریباتی اجرا ایدیوردی ، متجاسر لری قارشولرنده سحرکت قلمیه لری نی طور در بره حق - بر قوه دافعه کورمه من افراد اسلامیه ایسه علمیه مزک یوقلمغه حکم ایدیور و بوندن طولانی ده یاس وفتوره دوشویوردی ، عنده مسئولیتی ، عبدالناس ده محجوبیتی موجب اولان سکوت میتسانینی آرتقی اهل قبوره تودیع ایدره رک بر بارجه اثر حیات کوسترمک فرض عین حکمنی آلمشدی .

برغزنه نشر اتمکه قرار ویردم سده وسائط لازمه مالک بولنمسا دیغمندن قرار می اجرایه جسارت ایده میوردم ، برکون کندی کندیمه دیدمکه : « سن ! یالکنز دکل سک ، سنکه برابر جانی یانان ، حیثیتی ایقلر آتته آنان بیکلرجه ساریقی وار ، اونلر ، سکا هروجهه معاونت ومظاہرت ایدرلر ، بشقه دورلو یاردم ایتسه لرده یالکنز هفته ده بر غزنه آله لری نه «یوم جدید ، رزق جدید» صورتیله غزنه نیک مصارف اسبو . عیسه سی چیقار ، اوناره برده اهالی اسلامیه نیک همتی انضمام ایدرسه غزنه نیک حیات انتشاری سیغورطه ایدلش اولور .

ایشته بوملاحظه دن جسارت آله رق غزنه نی نشره باشلادم ، فقط جوق کچمه دن ملاحظه مده « غبن فاحش » بولنمسا دیغنی پک آجی بر حالده